



საპროკურორო საბჭო
Prosecutorial Council

№

22 იანვარი 2020

განკარგულება № 1

საქართველოს გენერალური პროკურორობის

კანდიდატების შერჩევის წესის დამტკიცების შესახებ

„პროკურატურის შესახებ“ საქართველოს ორგანული კანონის მე-19 მუხლის მე-13 პუნქტის „ა“ ქვეპუნქტის, მე-20 პუნქტის, მე-16 მუხლის მე-4, მე-5 და მე-6 პუნქტების, საპროკურორო საბჭოს დებულების მე-3 მუხლის მე-6 პუნქტის „ა“ ქვეპუნქტისა და მე-4 მუხლის პირველი პუნქტის საფუძველზე, საპროკურორო საბჭო ადგენს:

- 1.დამტკიცდეს საქართველოს გენერალური პროკურორობის კანდიდატების შერჩევის თანდართული წესი.
2. ეს განკარგულება ძალაშია მიღებისთანავე.

საპროკურორო საბჭოს თავმჯდომარე

6.

ნანა ხუნჯუა

საქართველოს გენერალური პროკურორობის კანდიდატების შერჩევის წესი

მუხლი 1.

ეს წესი განსაზღვრავს საპროკურორო საბჭოს (შემდგომში საბჭო) მიერ, საქართველოს გენერალური პროკურორობის (შემდგომში გენერალური პროკურორის) კანდიდატების შერჩევის წესს.

მუხლი 2.

1. საპროკურორო საბჭო, ერთვანი საჯარო კონსულტაციების დასრულების შემდეგ, ამოწმებს საქართველოს გენერალური პროკურორობის კანდიდატებად წარმოდგენილი პირების (შემდგომში პირი) „პროკურატურის შესახებ“ საქართველოს ორგანული კანონის მე-16 მუხლის პირველი პუნქტით დადგენილ კრიტერიუმებთან შესაბამისობას და მათ მიერ, საპროკურორო საბჭოს 2019 წლის 16 დეკემბრის N2 განკარგულების N1 დანართის შესაბამისად წარდგენილი დოკუმენტების სისრულესა და სიზუსტეს.
2. საქართველოს გენერალური პროკურორობის კანდიდატად წარმოდგენილი პირის დოკუმენტაციის შესწავლის საფუძველზე, საპროკურორო საბჭო ანბანური თანმიმდევრობით ადგენს საქართველოს გენერალური პროკურორობის კანდიდატებად წარმოდგენილ პირთა ერთიან სიას (შემდგომში სია). რის შესახებაც საპროკურორო საბჭოს ატყობინებს სიაში შეყვანილ პირებს.
3. საქართველოს გენერალური პროკურორობის კანდიდატად წარმოდგენილი პირის მიერ წარმოდგენილ დოკუმენტაციაში კრიტერიუმებთან შეუსაბამობის ან/და ხარვეზის აღმოჩენის შემთხვევაში, საბჭო სხდომის დამსწრე წევრთა უმრავლესობით, ადგილზე კენჭისყრით იღებს გადაწყვეტილებას კანდიდატის შერჩევის პროცესიდან მოხსნის, ხარვეზის დადგენის ან/და ერთიან სიაში შეყვანის თაობაზე. დადგენილი ხარვეზის აღმოუფხვრელობის შემთხვევაში, საბჭო გადაწყვეტს პირის სიაში შეყვანის, სიაში დატოვების ან/და შერჩევის პროცესიდან მოხსნის საკითხს.
4. საპროკურორო საბჭო გენერალური პროკურორობის კანდიდატებად წარმოდგენილ პირთა ერთიან სიას აქვეყნებს საპროკურორო საბჭოს ოფიციალურ ვებ გვერდზე.

5. საპროკურორო საბჭო სხდომის დამსწრე წევრთა უმრავლესობით, ადგილზე კენჭისყრით იღებს გადაწყვეტილებას გენერალური პროკურორობის კანდიდატებად წარმოდგენილი პირების მიმართ დამატებითი ინფორმაციის მოძიების თაობაზე.

6. გენერალური პროკურორობის კანდიდატებად წარმოდგენილი პირების მიმართ, ამ მუხლის მე-5 პუნქტით დადგენილი წესით დამატებითი ინფორმაციის მოძიების ორგანიზაციულ-ტექნიკურ უზრუნველყოფას ახორციელებს საპროკურორო საბჭოს სამდივნო, რომელიც ვალდებულია დამატებით მოძიებული ინფორმაცია მოძიებიდან არა უმეტეს სამი დღის ვადაში გადაუგზავნოს საპროკურორო საბჭოს წევრებს და კანდიდატად წარმოდგენილ პირს.

მუხლი 3.

1. საპროკურორო საბჭო, ამ დებულების მე-2 მუხლის მე-2 პუნქტით გათვალისწინებულ სიაში შეყვანილ პირებთან ატარებს ინდივიდუალურ გასაუბრებას.

2. საპროკურორო საბჭო გენერალური პროკურორობის კანდიდატებად წარმოდგენილ ერთიან სიაში შეყვანილ პირებს გასაუბრებაზე იბარებს ანბანური თანმიმდევრობით. გასაუბრება იწყება ერთიანი სიის შედგენიდან არაუგვიანეს 7 კალენდარული დღისა.

3. გენერალური პროკურორობის კანდიდატებად წარმოდგენილ პირებს საპროკურორო საბჭოს სამდივნო ტექნიკური საშუალებებით გონივრულ ვადაში ატყობინებს გასაუბრების თარიღისა და დროის შესახებ.

4. საბჭოს სხდომაზე გასაუბრების დაწყებისას საქართველოს გენერალური პროკურორობის კანდიდატი საპროკურორო საბჭოს წარუდგენს საქართველოს პროკურატურის განვითარების სტრატეგიასა და ხედვას, რის შემდეგაც, საპროკურორო საბჭოს წევრები თანმიმდევრობით დაუსვამენ მას კითხვებს. საპროკურორო საბჭოს წევრებს უფლება აქვთ გასაუბრებაზე წარმოდგენილ პირს დაუსვან დამაზუსტებელი შეკითხვები.

5. საპროკურორო საბჭოს თავმჯდომარე უფლებამოსილია საბჭოს წევრს შეაწყვეტინოს ან/და მოხსნას ისეთი კითხვა, რომელიც სცილდება ეთიკის ფარგლებს.

6. საპროკურორო საბჭოს თავმჯდომარე უფლებამოსილია გასაუბრებაზე საქართველოს გენერალური პროკურორობის კანდიდატად წარმოდგენილ პირს შეაწყვეტინოს საუბარი, თუ ის საუბრობს განყენებულ თემებზე.

7. საპროკურორო საბჭოს თავმჯდომარე უფლებამოსილია, გასაუბრებაზე არაეთიკური ქცევის შემთხვევაში, საქართველოს გენერალური პროკურორობის კანდიდატად წარმოდგენილ პირთან შეწყვიტოს გასაუბრების პროცესი. ამ პირის შერჩევის პროცესიდან პირის მოხსნის

საკითხს საპროკურორო საბჭო გადაწყვეტს, ადგილზე კენჭისყრით, სხდომის დამსწრე წევრთა უმრავლესობით.

8. გენერალური პროკურორობის კანდიდატად წარმოდგენილი პირის გასაუბრებაზე გამოუცხადებლობის შემთხვევაში, საპროკურორო საბჭო ადგილზე კენჭისყრით, სხდომის დამსწრე პირთა უმრავლესობით იღებს გადაწყვეტილებას შერჩევის პროცესში მისი შემდგომი მონაწილეობის თაობაზე.

9. საპროკურორო საბჭო არ განიხილავს ან/და ადგილზე კენჭისყრით სხდომის დამსწრე პირთა უმრავლესობით იღებს გადაწყვეტილებას და ერთიანი სიიდან ამორიცხავს იმ პირის კანდიდატურას, რომელიც საკუთარი სურვილით უარს იტყვის შერჩევის პროცესში მონაწილეობაზე ან/და მოხსნის თავის კანდიდატურას.

10. საქართველოს გენერალური პროკურორობის კანდიდატებად წარმოდგენილ პირებთან გასაუბრების აუდიოჩაწერი არის საჯარო.

11. გენერალური პროკურორობის კანდიდატებად წარმოდგენილ ყველა პირთან გასაუბრების დასრულების შემდგომ, საპროკურორო საბჭო ატარებს ფარულ კენჭისყრას და საბჭოს სხდომის დამსწრე წევრთა უმრავლესობით, „პროკურატურის შესახებ“ საქართველოს ორგანული კანონის მე-16 მუხლის პირველი პუნქტით განსაზღვრული კრიტერიუმების - ზნეობისა და მორალური ღირებულებების, კვალიფიკაციის, პროფესიონალიზმის და გამოცდილების გათვალისწინებით, ირჩევს გენერალური პროკურორობის არანაკლებ 3 კანდიდატს, რომელთა ერთი მესამედი მაინც განსხვავებული სქესის უნდა იყოს.

12. გენერალური პროკურორობის კანდიდატების შერჩევის პროცესთან დაკავშირებული სხვა საკითხები წყდება საპროკურორო საბჭოს სხდომის დამსწრე წევრთა უმრავლესობის გადაწყვეტილებით.

მუხლი 4.

1. ამ დებულების მე-3 მუხლის მე-10 პუნქტის შესაბამისად საქართველოს გენერალური პროკურორობის კანდიდატად შერჩეულ პირებს საპროკურორო საბჭოს სხდომაზე ცალ-ცალკე ეყრებათ კენჭი. კენჭისყრა ფარულია. არჩეულად ჩაითვლება ის კანდიდატი, რომელიც მიიღებს მეტ ხმას, მაგრამ არანაკლებ საპროკურორო საბჭოს სრული შემადგენლობის ორი მესამედისა. თუ ორმა ან მეტმა კანდიდატმა ხმების თანაბარი რაოდენობა მიიღო, გადაწყვეტია საპროკურორო საბჭოს თავმჯდომარის ხმა. თუ ვერცერთმა კანდიდატმა ვერ მიიღო ხმების საჭირო რაოდენობა, არჩევნების მეორე ტურში კენჭი ეყრება საუკეთესო შედეგის მქონე 2 კანდიდატს. თუ ამჯერადაც ვერცერთმა კანდიდატმა ვერ მიიღო საპროკურორო საბჭოს სრული

შემადგენლობის არანაკლებ ორი მესამედის მხარდაჭერა, საპროკურორო საბჭო 1 კვირის ვადაში, პროკურატურის შესახებ საქართველოს ორგანული კანონის მე-16 მუხლის მე-4 პუნქტით დადგენილ პროცედურას.

2. საპროკურორო საბჭო შერჩეულ კანდიდატს შესაბამისი წერილობითი დასაბუთებით წარუდგენს საქართველოს პარლამენტს.